

“Niha chatohanai ne, raotojoein itarai rucuecuruha ne jaannu”, nain aitiin laeneratecure La Asamblea de las Naciones Unidas canaacaanu que, cana temurau nenacauru- cocoainanacaihuri 10 janoniha disiembere ne bana, 1973 ajaanaa ne bana. Nitohaneein ichacuruhane baihate aitoroatecure cana temurau nenacauru-cocoainanacaihuri itolere sacutaain escoela cuhane ereretaain beebejeuruha satiin nerelanacaauru leiijiin inejeein cautelanaalane coina.

SATIIN CAA CHAURUATANE QUE NENACAAURU CACHAAURU RAI RAUHI

Nunue

Satiin, cachaauru raite ne rauhi. Nii jaun, nainihe i chaque ereein nihacane jaannu, jiniquiin, raotojoein, ita cailichanaa coaquelanaala, rauhi i iriin nena j erichaache ne. Nitohanai coitucuhin neniha cachaaurna jaunte, ita cailichairiin nihane, ichaoore cachaauru. Nii jaunna, neruujiha saain, itolere cachauru ne jerichaanu; itolere raotojoein ichaohin auihanein, niicha esenetai esenetaain, niicha coacui que ereerejeein, naojoaain niha cachaauru ne jerichaanu.

Saain acaauru cachaauru coroatajanemii, saain itolere gobiernooru, nabana aiha nejerateein, naojoaain niha rai cachaauru ne coataa.

Caohachaa in ita coaraain, naojoaain neeuruhine leeo cha gobierno aina itolere caa chauru atane sacutaain nenacauru gobiernooru.

“Caohato ha naain jeriha laurila urichuru nenacauru gobierno, caa canaacaanu aito ojan que na jaun, uain caohachaa in cachaauru coroataj anecurumii te, caoachaa in neruujee in neeuruhine.

“Caohato ha carai,” naain ereeuri gobiernooru, esiahen rauhi jiriin, caa aitocoaanu ne rijijie in tonoraain ichacurumiite raotojoe in jianacoo nena nainecurumii, saain rai cachaauru.

Nii jaun te, caohachae saain itolere nee in coitucuru ha saain cachaauru ne caohachae, rauhi i iriin ichacuruhane coina.

CARITIIN TE AITUCURE LAURILAU RICHURU CAJE UNACAU RU CURAANAACURU ITA TAOJIAIN

Nii jaun, itolere sacutaain cachaauru relauruhinete, coitucuhin, “Naojoaain te chu isi ne cana rai rauhi,” naain coticuuruhine cachaauru laurila urichuru nenacauru. Nitohaneeinte, jeraaen cuujue in nitohaniha curee in.

Artículo 1.

Ita rijii cha itolere cacha. Aihana jaun, ita belaa in, naojoa in neuruhine laurila urichuru nenacauru aina itolere cachaauru.

Artículo 2.

Satiin cachauru raite ne, jericha nejee in acaauru rai rauhi, ita jelo on cuhin. Nii jaun, nihei chatohanee in, jichojoai, bacauha, ijaen, jorio, batirichuru, coriqui neba, cailichai cacha, cocoamo, shipibo, acoarona, saain niichuru te jericha nejee in ne, acauru rai rauhi.

Artículo 3.

Aihana jaunte ne, sati in cachaauru rai rahui, raotojoe in rohecaerelanaala, jerihane tocohanee in ichaoha cacha ne coina.

Artículo 4.

Aihana jaun, nijiaonriha atebihaen rai cha que erena rijiti in, namute cacha letoa in niha cachaaurune.

Artículo 5.

Jiaonriha chunei cacha cunaita in, naojoa in nee ruha cocoainanacaihurine.

Artículo 6.

Cha rijijie in te in ti neseu nenacauru que suujua acate in caohachaa in raare. Nii rijijie in chu joaenree in nirljleln nenacauru cachaauru- nuna cocoaicha naojoa in que suujua acate in caohachaa in coaraa in naojoa in neeuruhine cocoainanacaihuri.

Artículo 7.

Joaenree in cacha, niha acaauru rai chatohanai ine, cocoainanacaihuri rai eree ruhinete, acaauru coroatajanemii cocoainanacaihuri te aito ha caa rauhi ne riJlJleln neine cachaauru rai rauhi.

Artículo 8.

Rauhijiri in caa erena tonoraain ichacureniha cocoainanacaihurine acaaru curaanaa rai bee ruhine cachaaurute, rucuecuruhine acaauru aina acaaru curaanaa.

Artículo 9.

Jiaonriha, ati in joaenree in leera colane cacha mucuhin caresero cuhane te in, naojoa in nee ruha cocoainanacaihurine. Chaen chu, coa nii natane caje sitaaln, leeo cha ataneu letoauruha cocoainanacaihuri, joaenree in leera colane.

Artículo 10.

Satiin cachauru raite ne rauhi, caseteca cocoainanacaihurine ajiiniha eree in naojoaunruha en coina. Baaso ichaa in, chatohanee in cacha basijiauhin naojoa in nee ruha cocoainanacaihurine leeo cha cocoainanacai, n ii cocoainanacai arai nihei, que rucueratee ruhine cachaauru. Chaen chu chatohanee in cocoainanacaihuri rai chatohanee in ichaa in asijiauhin, naojoa in niha cacha ne, jericha nejee in leeo cha cocoainanacai, nii cacha arai nihei cocoainanacai que rucueratee ruhine. Chaen nii neruuje bana, aonaa ne coina turuha cacha ne, jiaonriha sitaain, naojoa in niha cocoainanacai te neruujiha nii ine aonaa in, neeuruhine cachaauru.

Artículo 11.

Caohachaa i, rucujuelanaala cacha caseteca in niha cocoainanacai ine. Caohachaa in coitucuhin, “Esihaen te chu hisi, baaso ichae,” naain caohachaa in coitucuera lanaala joaenree in cacha caseteca in niha cocoainanacaine caohachaa i.

Jiaonriha jaiti cocoaerae nihane jana chatohanai ichaa cacha ne mucuhin nee ruha cocoainanacaihurine.

Artículo 12.

Satiin cachauru coaramii cocoainanacaihuri. Nabana leiiji in cacha nena jau turuhin roecanaa coacuhin ninahuene. Aca te naojoa in, n e chu aansaaine in ne, “naain joaenree in que eree in ita roecanaa coacuhin naojoa in neeuruhane, nabana cocoainanacaihuri netonai nii esenetaa in, cacha roecanaa coacuruha ne coataa. Jiaonriha chu chaen, leiiji in cacha rai, leto no quiricha raain, coaraa in naojoaunruha nejelaauru ne.

Artículo 13.

Niha rauhi, sati in cacha rai, chunijiu ichaonaa jerihana jaun ichaoha ne coina.

Chaente chu ne, sati in cachaauru rai rauhi, chunijiu atane cuhin ichaonaa jeriha ne ichaoha cuuruha ne coina. Chaen te chu ne, acaauru rai rauhi, jeliha natane caunaa jerecuruha ne, caauruha ne coina.

Artículo 14.

Niha rauhi, niha roecaera natane ne, chunijiu nejelau atane cuin raotojoe in ichaaouruha cachaauru ne jaan nu.

Jana, chatohanee in soserena nee in, asijiauto nee in, naojoa in niha cacha ne, nihei rai rauhi, nejelau atane cuhin soroha ne coina.

Artículo 15.

Satiin cacha rai te ne rauhi, nataneu-nenacauru laurijira niha ne baiha nejelau atane nenacauru laurijira niha cuha cacha ne.

Niichuru jericha nejee in nataneu caoachaa in coaracuruha naraichuru ne rijijie in caoachaa in coaracurumii nejelau atane nenacauru.

Artículo 16.

Niha rauhi, ita rijijie in ichauhena neeuruhane, ene aina ita raain naojoaunruha cachaauru ne jaan nu. Jericha nejeeinte quicha rai niha rauhi ne rijijie in, ne, enecuru rai rauhi. Coa chu chaen, chatohanee in bacauha, cocoamo, ijaen, naojoaainejee in ranaa jeriha joaenree in, ene, quicha, naojoaaine, coa caohatee ruha.

Aca jeria ne jana, jereniha nii ene ne jana, raa cache ne, caohachaa.

Ene raain niha quicha ne, coaracurumiin cocoainacaihuri; nabana charijieinejeein ita que nererojoecaain ita jianecuruha ne coataa.

Articulo 17.

Satiin cachauru rai te ne rauhi, rai rucuheleeru, rai atane, naajoaain erora neein niha ne coina.

Chaen chu, joenreein coreniha rai rucuhelueeru, rai atane, naajoaain caje sitaanaa nainihei cache, nihei cocoainacaihuri niha natiin.

Articulo 18.

Niha satiin cachauru rai rauhi, Cana Coanera ere esenetaain tonorana jeriha ne, tonoraauruha jianacoo neein cha que tonajelanaala ne coina.

Articulo 19.

Niha chu chaen rauhi cachauru rai, niicha coacui, cachauru rai beein, naajoaunruha ne coina. Nainihei nii coreniaa acaauru mucuhin niha cocoainacaihuri ne.

Articulo 20.

Niha chu chaen, cachauru rai rauni ita taojiaain chaelai que ereereena jerecuruha ne, ichacuruha chaelai que tonajelanaalane coina.

Niha chu chaen, cachauru rai rauhi, ita taojieraauru aina nenea jereniha ne, cuheniha ne coina.

Articulo 21.

Niha chu chaen, cachauru rai rauhi, necoriha cocoainacaine jerecuruha ne, "Aca aca nemii", naain leiijiin coaraain aca jeriha cachauru ne aca cocoainacainein neme.

Niha cachauru rai rauhi, "Aca aca nemii," naain ereeruha saain cachauru ne coina.

[Missing?]

Articulo 22.

Niha satiin cachauru rai rauhi, reroecaerae lanaala, raotojoein neeuruha cachauru ne coina. Niha acaauru reroecaera ne, acaauru coroatajaneine acaauru gobierno.

Articulo 23.

Niha chu rauhi amihaniha cachauru ne coina. Niicha rautaai amihanenaa coaraain que amihaneeruha cachauru ne coina. Niicha rautaai amihanenaa coaraain que amihaneeruha cachauru ne coma.

Chaen chu, ita rijijiein amiania cache ne, ita rijijiein core raauruha ne te, caohachae.

Raujiaain caohachajeein canaauruhine amihanenacaaurute, raotojoein sinij iera aina jiniiquiin, bereecuru aina raotojoein ichaooruhine chacaauru.

Niha chu cachauru rai rauhi, niha chatohanai, ne, ita taojiaain jiniiquiin fatoroon aina rucuhecuruha ne coina.

Articulo 24.

Niha chu rauhi, le janonaa cuhane nesuruhin basijiin nebetacaain naajoaain neeuruha cachauru en jaan nu. Niha chu cachauru rai rauhi carajaain amihaneeruha ne, acaauru rai nebetacanaa tiha fatoroon core aina ne coina.

Articulo 25.

Niha chu chaen rauhi, biinaa, camotojoe, canaanaihuru, cunaitenacaauru, naajoaihunri coroatajaniha gobierno ne coina. Nabana escoela que lanaain, nabana itolere que lanaain neeuruha itolere cachauru ne coataa.

Chaen chu, leeochoauru coroatajaniha ne amuritoheriin, jelai neein canaanai siirichaauro enecuru coroatajaneine, nii beree aina curuaecaain gobierno. Chaen chu ujuateje rijijiein, nenacaauru canaanaihuru coroatajaneine gobierno.

Articulo 26.

Niha satiin cachauru rai rauhi, core colane nirijiein nerelaain naajoaain, quiricha inain naajoaain niha cache ne coina.

Chaen escoela cuhane nerelaauruhine itolere que, raotojoein j iniiquiin, ichaonaa nijianai que, nerelaauruhine te, joenreein bacauha aina nia natiin, raotojoein ichaooruhine.

Niha rauhi, bereecuru rai, niicha rautai escoela coaraain, cuu bereecuru tein naajoaain niha inacaauru ne jaan nu.

Articulo 27.

Niha chu chaen, cachauru rai rauhi, niha besta ne, niha chatohanaine, ita taojiaain, naajoaain neeuruha cachauru ne, cunaa jerei cuhin, naajoaan ne coina.

Niha rauhi, cachauru rai, chatohanai niicha coitucui ichaain que necoreteein core raa cachauru ne coma.

Articulo 28.

Satiin cachauru rai te ne rauhi, esihaen rauijiriin caa rauhi cuhane aitoha ne rijijiein.

Articulo 29.

Chaen chu, ita coroatajaneeruhine cachauru, ita acatiha tacaain.

Nihei, chunei cache rai rauhi, leeocho cache rai rauhi que nererojoecaain niha cache ne jaan nu.

Chaen chu, nainihei caa icharaauru aina nererojoecaain niha cachauru ne jaan nu.

Articulo 30.

Nainihei chu, chunei gobierno, atane curuanaa, naajoaain niha natiin, caa rauhi ichara nichaanu ne aina nererojoecaain neeuruha ne jaan nu.